

AWEMainta

E DIFERENCIA DEN NOTICIA

Ultimo deseo cumpli



2
Video di
Kinsasha v/d Blik
ta persigui'e riba
red social

5
Premio
mionario a bay
bek den jackpot
di Lotto 5

6
Husticia of puro
odio?
**Un storia di
dos minister**

7
Pakico "Keda sin
vota" no ta un opcion
**Politica semper
lo tin influencia
riba bo**

Tired of **Manually** Processing Forms?



SCANSYS
vision on imaging

- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows

VCC
International NV

This OCR software scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com




Cuminsando cu 4 florin, bo por gana e suma grandi aki

Afl. **1.850.000,-**

Obtenibel na cualkier rebendado di Lotto.

sorteo ta diaranson 7:45 pm



HUNGA AWO



Kinsasha van der Bliek a haya dobel sla y su video riba red social ta sigui persiguie

UN biaha mas tin un sentencia den corte di Kinsasha van der Bliek, awe ex-candidato riba e lista di Partido RED Democrático. Na januari tabatin un decision den Corte cu a bisa cu su retiro for di Cuerpo Especial Aruba tabata un decision mucho estricto p'e expresionnan cu el a haci relaciona cu uzo di cannabis. E caso a sigui den Raad van Beroep in Ambetnarenzaken.

E prome decision ta bisa cu gobierno a tuma un castigo disciplinario demasiado pisa contra Kinsasha van der Bliek na 2022. Nan a retir'e di su trabou na CEA. Esaki pasobra el a aparece riba un video riba red social ta humando un sigaria di marihuana. A conclui cu e no a actua manera ta spera di un bon ambtenaar. Pero hues a bisa cu esaki no ta hustifica e retiro. Pasobra e tin derecho riba liber expresion. Y ambtenaar tambe tin e derecho aki.

Gobierno a apela e decision aki pasobra no ta di acuerdo cu ne. Van der Bliek ta traha cu gobierno desde año 2012, pues prome cu el a drenta politica cu partido RED. Tempo cu RED a forma Gobierno cu MEP, van der Bliek a bay na disposicion di e minister di RED, esta Rudy Lampe kende tabata minister di enseñansa. Esey tabata durante Gabinete Wever-Croes I cu a cuminsa na 2017. El a bolbe CEA na september, 2021, despues di eleccion. Pa nan dicidi di dune na final su retiro na año 2023, januari.

Tur esaki tin di haber cu e video menciona cu el a pone riba Facebook. No solamente e tabata huma un sigaria di yerba cu tabata parce un "joint". El a invita esunnan cu ta huma marihuana pa participa den "e revolucion" pa no sigui ordo.

E retiro condicional tabata pa dos año y el a bay den obheccion riba esey. A bisa den e conclusion cu no por proba cu ta marihuana e tabata huma y el a encurasha otronan pa viola ley. Esey ta un bon actitud di un funcionario publico.

A pesar di esey a bisa cu e retiro condicional ta inhusto.

Gobierno den aspelacion a insisti cu como un ambtenaar activo den cuadro di su actividadnan politico a encurasha otro pa kibra ley. Den e caso aki ley di droga. Haciendo esey e no a keda den e limitenan di papia di libertad di expresion

Gobierno ta kere mas bien, e mester limita su forma di expresa su mes y riba dje tin hopi forma cu e por manda su mensahe, enbes di haci esaki publicamente of curasha otro pa viola Ley.



Den e caso aki e partidonan ta di acuerdo cu no a cumpli cu e deber como un bon ambtenaar. Pero loke ta diferencia di opinion entre e partidonan ta e castigo di retiro condicional. Si esaki ta husto pa viola e etica di bon conducta di un ambtenaar.

Raad ta haya, contrario ma Corte di prome instancia, nan ta haya cu e forma cu el a haci uzo di su libertad di expresion, no a keda den limite di loke ta permisibel pa un ambtenaar. E no a haci esaki den un circula priva pero publicamente. E no a respeta asina cu e ta un ambtenaar. Un ambtenaar mester ta un ehempel den respeta ley, mas ainda pasobra e ta traha cu CEA cu ta cay bou di Minister di Husticia. Curashando hende publicamente pa viola ley ya caba ta muestra cu el a bay demasiado leu. Esaki a pesar cu como politica ta lucha pa legalisa uzo recreacional di marihuana.

Esey a pone cu a conclui cu e castigo disciplinario no a bay demasiado leu.

Dobel sla esaki ta pa Kinsasha mirando cu recientemente directiva a dicidi di no pone como candidato mas y a retir'e.

Fundacion Ultimo Deseo Aruba ta Cumpli cu su prome ultimo deseo



FUNDACION Ultimo Deseo Aruba (FUDA), un fundacion dedica na cumpli cu e ultimo deseo di personanan terminalmente malo na Aruba, recientemente a marca un logro significativo cu e realisacion di su prome deseo. Emmy Theysen, un artista Arubano residencia den cuida di hospice, tabatin un ultimo soño: pa mira un mural crea basa riba un di su pinturanan stima. E deseo aki no tabata djis un deseo personal, sino un reflexion profundo di e amor di Emmy pa arte durante henter su bida y su conexion cu su pueblo natal, Savaneta.

Emmy anteriormente a pinta un bunita escena di un prikichi

riba e frutanan di un cactus. Incapaz di cumpli cu su deseo di crea e mural su mes debi na su enfermedad, Emmy tabata spera cu su obra por a sigui biba di un manera significativa. FUDA, comprometi na haci e ultimo deseo un realidad pa pashentnan terminalmente malo, a acepta e soño aki y a cuminsa honra esaki.

Den un acto conmovedor di colaboracion, FUDA a uni cu e artista Arubano renombra Armando Goedgefrag, kende generosamente a acepta di trece e vision di Emmy na bida.

E mural a wordo pinta riba e murayanan di Colegio Sagrado Curason na Savaneta, un localidad scogi pa su significacion profundo pa Emmy.

E scol y su liderazgo a sostene e proyecto cu entusiasmo, ansioso pa tin e mural como adorno





Medical Transport, y numeroso boluntario. E entusiasmo y sosten di tur hende involvi tabata abrumador, demostrando e impacto profundo cu un deseo asina por tin no solamente riba e individuo, sino riba e comunidad en general.

E prome realisacion di deseo di FUDA ta sirbi como un recordatorio poderoso di e beyesa y significacion di otorga e ultimo deseo di un persona.

E fundacion ta keda comprometi na continua cu e mision aki, brindando consuelo y alegria na esnan cu ta yegando na final di nan bida.

E prome deseo aki ta djis e comienso, y FUDA lo sigui traha incansablemente pa trece luz na e bida di personanan terminalmente malo.

Pa mas informacion tocante FUDA of pa referi un persona pa un ultimo deseo, por favor bishita www.fuda-aruba.com. Hunto, nos por yuda haci soñonan realidad den e momentonan mas dificil.

* FUDA ta cumpli cu deseonan di personanan terminalmente malo y esnan cu ta pega na cama, completamente gratis. Bo conoce un persona

riba nan murayanan y pa contribui na un causa asina sincero. cu un ultimo deseo?

Riba 12 di october 2024, e deseo di Emmy a bira realidad. El a wordo hiba na e scol cu ambulance, un servicio ofreci pa FUDA cu ta inclui asistencia di profesionalnan medico di Faith & Hope Medical Transport, pa garantisar comodidad y siguridad pa e pashentnan. Ora el a yega na e scol, rondona pa sernan keru y sostenedornan,

Emmy a wordo acompaña na e mural, cu a wordo cuidadosamente scondi te na e momento perfecto. Ora el a mira finalmente e obra di arte termina, e emocion tabata visibel den su wowonan.

Den un gesto final y poderoso, Emmy a haya e oportunidad pa contribui personalmente na e mural. Cu un pincel den man, el a pinta algun liña riba e muraya, sigurando cu su toke lo keda graba pa semper den e obra di arte. E mural awor ta para no solamente como un bunita obra di arte publico, sino como un testimonio di e spirito di Emmy y e esfuerso colectivo cu a wordo haci pa haci su soño realidad.

E deseo aki a wordo haci posibel door di e cooperacion remarcabel entre FUDA, Armando Goedgedrag, e personal di Colegio Sagrado Curason, Faith & Hope

Yena e formulario di deseo na: www.fuda-aruba.com



Basa riba opinion di un lector

Medida mas estricto contra dunadonan di trabou di migrantenan ilegal: Un balansa delicado

DEN un articulo recien di AWEMainta a pone enfasis riba e necesidad pa tuma medidanan mas stricto contra imigrantenan ilegal den servicio na Aruba.

Como reaccion riba esaki, un lector a comparti su opinion: "Ta tempo pa tuma medidanan mas stricto contra companianan cu tin imigrantenan ilegal den servicio na Aruba. Ken ta beneficia mas? E dunadonan di trabou tin hopi mas beneficio cu e imigrantenan ilegal!" E.A. RUIZ

E lector aki ta toca un punto importante, y ta obvio cu hopi hende ta wak e rol di dunadonan di trabou den e asunto aki criticamente.

Impone multa of kita permiso di e companianan aki ta parece un manera efectivo pa atende e empleo di personanan indocumenta. Pero tin un otro banda di e medaya aki cu mester wordo considera tambe: e riesgo cu companianan ta bati bancarota como resultado di e tipo di medidanan stricto aki.

Si un of dos compania bati bancarota door di e multanan aki, riba su mes esey lo ta problematico caba. Pero imagina bo cu e escenario aki lo sosode den decenas of hasta den miles di compania. E efecto economico lo ta significativo.



Bancarotanan masal lo por causa perdida di trabou y posiblemente un impacto economico mas amplio.

Un posibel solucion ta introduci un programa den cual dunadonan di trabou ta bira responsabel pa registra trahadonan indocumenta.

E trahadonan aki lo por haya un status special, cu cual nan por traha legalmente direccion un permiso di trabou.

wingo.com
¿Cómo quieres volar?

Ban Colombia!

BOOK MESORA! wingo.com

Cali Bogota Medellin

E sistema aki lo por yuda tambe den colecta informacion importante, manera nan lugara di estadia y datonan personal, cu gobierno por uza pa atende e problema di imigracion ilegal mas miho.

Ademas, trahadonan cu ta dispuesto pa coopera cu autoridadnan y duna nan informacion pa stop imigracion ilegal, lo por adkiri cierto derechonan.

Esaki no solamente lo contribui na un trato mas husto pa trahadonan, pero tambe lo pone e responsabilidad cerca e dunadonan di trabou pa opera cu mas transparencia.

En corto, e problema di imigracion ilegal y e empleo di personanan indocumenta ta complejo y ta rekeri un balansa cuidadoso entre mantene ley y preveni daño economico.

Kizas un siguiente gobierno por desaroya un programa cu ta atende ambos problema simultaneamente.

Sorteo ta diaranson awo

Jackpot di Afl. 1.650.000,- a bay bek den jackpot di Lotto 5

E jackpot miyonario di Lotto 5 di fecha 13 di juli no a wordo cobra dentro di e 90 dianan y a caduca. Pa es motibo e jackpot di 1 miyon 650 mil florin ta wordo poni bek den e pot di Lotto 5! E jackpot di Lotto 5 pa diaranson 16 di october lo a bira 200 mil florin, pero awo e lo bira un total di 1 miyon 850 mil florin!

Lotto 5 ta costa solamente 4 florin pa ticket y bo por combina bo 5 numbernan for di 01 te cu 35, si bo no sa cua numbernan pa kies, bo ta puntra bo rebendedor pa un loco y asina bo ta den wega pa bira e siguiente miyonario y gana e jackpot di 1 miyon 850 mil florin cu Lotto 5.

Corda busca bo Lotto 5 trepan, pa asina bo no keda afo di e sorteo miyonario di diaranson awo cu Lotto, e Loteria di Aruba.

Tambe Lotto ta ofrecebo e opcion pa por cumpra bo weganan di Lotto Online, kiermen si bo no tin chens pa sali cumpra bo weganan preferi di Lotto, bo por cumpre for di bo smart

phone, tablet of bo computer!

Si ainda bo no tin un cuenta di Lotto Online, bishita www.lottoaruba.com, traha bo cuenta di hungado y asina cu bo wordo aproba, bo por cuminsa hunga Lotto online tambe!

Sorteo di Lotto 5 ta hunga diaranson awo pa 7.45PM y por cumpra bo ticket na bo rebendedor favorito desde awe caba te cu diaranson 7.30PM.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus, y e diferente weganan di Raspa y Gana y Instacash. Tambe lo por hunga Lotto Online door di bishita: bit.ly/3oIz5K9 pa por registra.

Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

DO MORE THAN JUST BANKING

We get you into the Hottest **Events**, Help you **Skip Lines**, **Pay Bills** Anytime, **Recharge** your Phone, **Fuel up 24/7**, Get You **Free Stuff**, and So Much More.

Ps. We work with **ALL** Local Banks and Local Numbers.



DOWNLOAD NOW



pay.aw

Husticia of puro odio?

Un storia di dos minister

RECIENTEMENTE, nos a presencia e destinonan contrastante di dos ex-minister, ambos cu a bira malo durante nan tempo den detencion legal of penal. E diferencianan den nan tratamiento a lanta un debate publico riba si e decisionnan aki ta basa riba husticia of riba vengansa personal.

Un ex-minister, cu recientemente a bira malo, a wordo otorga un libertad pa recupera na cas. Tanto su abogado defensor como e fiscal a bay di acuerdo cu esaki tabata e miho curso di accion, aunke e por wordo interroga ainda door di Landrecherche durante su recuperacion. Criticonan ta argumenta cu tal clemencia ta raro y cu hopi otro den situacionnan similar no ta ricibi e mesun trato. Despues di tur cos, prizon KIA ta conta cu un enfermeria bon ekipa cu dokternan cualifica, capaz di brinda e cuido necesario. Sin embargo, e decision pa mand'e cas por wordo considera como pragmatico y humano, priorisando su salud riba detencion estricto.

Di otro banda, un otro ex-minister—den e ultimo dianan di su sentencia—a bira gravemente malo y a wordo hiba cu urgencia pa hospital riba ordo di e dokternan di KIA. A pesar di su condicion deteriorando, e minister aki no a haya e opcion pa pasa su ultimo dianan di encarcelacion na cas.



Ademas, e tabata eligibel pa un programa di libertad tempran, cu ta permiti prizoneronan cu bon conducta regresa cas prome cu nan fecha oficial di libertad. Oficialnan di KIA a manda petitionnan repetidamente pa su libertad tempran, pero ningun a wordo otorga.

Pakico, bo por puntra? Un palabra ta parece di splic'e: odio. E minister actual, kende a inicia investigacionnan prome cu su mandato y a bira un enemigo poderoso, ta wordo rumorea di lo a blokia libertad tempran keriendo cu esaki lo refleha malo riba dje politicamente.

E hecho cu e ex minister lo ta na cas apenas algun siman prome cu su libertad oficial a wordo considera demasiado riesgoso pa "optica", lagando e soporta su ultimo dianan den e sistema sin e mesun clemencia ofreci na otroan.

Como cu e ex minister en cuestion pronto lo wordo libera, e storia completo di su experiencia den prizon ta spera di sali na cla. Lo ta na e pueblo pa dicidi si e discrepancia aki den trato tabata realmente husticia na trabou of un expresion troci di vengansa personal.

Si gobernacion cambia den e proximo eleccion, aliadonan politico di e regimen actual aki lo ricibi e mesun trato? Husticia lo wordo aplica hustamente, of odio y rencor personal lo sigui dicta ken ta ricibi clemencia? Solamente esnan consumi pa nan propio odio lo perpetua un sistema di humiyacion asina, pero e pueblo lo husga. Semper nan ta haci.

Local Residents Special

50% off on any spa treatment

Includes

- Complimentary Mimosa
- Complimentary beachside and poolside seating*

Local residents also receive 25% off at Laguna and Miramar Garden**



*offer is valid for residents with local ID. Up to 3 additional guests and subject to availability.
**excluding full-sized bottled beverage and buckets.
Open daily 9:00AM - 6:00PM | +297 5266052 | auahh_eforea_aruba@hilton.com



Pakico "Keda sin vota" no ta un opcion

Politica semper lo tin influencia riba bo

NA Aruba ainda tin hende cu ta kere cu politica no ta nan problema. Nan ta scoge pa no vota, pasobra nan ta pensa cu e no ta haci un diferencia of pasobra nan ta wak politica como algo complica of corrupto. Pero manera e filosofo Griego Pericles a spierta: "No ta pasobra bo no tin interes den politica, no kiermen cu politica no tin interes den bo." Politica tin influencia riba tur cos, di e educacion cu bo yiunan ta haya te na e prijsnan cu bo ta paga den supermercado. Sea bo ta vota of no, decisionnan ta wordo tuma toch—y si bo no participa, bo ta laga otronan, hopi biaha cu interesnan hopi diferente, dicidi pa bo.

Politica Ta Toca Bo

Hopi hende ta pensa cu politica ta algo leu for di nan bida diario, pero esey ta un pensamiento robes peligroso. Cada decision politico tin consecuencianan pa bo bida. Sea ta trata di cuida medico, medio ambiente of oportunidadnan economico, politiconan ta tuma decisionnan cu ta afecta bo directamente. Ora bo no ta vota, bo ta entrega e poder ey na hendenan cu por tin prioridadnan hopi diferente na esun di bo. Si bo no laga bo stem resona, bo ta renuncia bo derecho pa participa den decisionnan tocante e futuro di e isla.

E Riesgo di No Vota

Door di no vota, bo ta duna e control na otronan. Por ta cu eseynan ta gruponan of individuonan cu agendanan politico cu no ta cuadra cu loke ta importante pa bo. Nan lo tuma decisionnan tocante bo comunidad, bo derechonan y bo futuro. Mientras cu abo ta pensa cu e no ta bo problema, otronan ta determina e rumbo di e pais. Bo ausencia na urna electoral ta fortalece nan influencia. Si bo no vota, nan ta dicidi ken ta drenta gobierno, cua leyman ta wordo traha y con e placa di gobierno ta wordo gasta. E resultado? Decisionnan cu por ta no ta den bo beneficio en absoluto.

Otro Interesnan

Imagina bo cu tin asuntonan importante cu abo ta haya crucial—manera miho trabou, cuida medico pagabel of medidanan mas severo contra corrupcion. Si bo no vota, bo ta duna otronan e oportunidad pa dicidi pa bo. Kizas e



otro votadornan ey no kier medidanan mas severo contra corrupcion of nan no ta haya problemanan di medio ambiente importante. Door di no vota, bo ta laga hende cu otro interesnan tuma e decisionnan cu lo influencia bo bida. Nan stem ta bira mas fuerte, mientras cu bo opinion ta keda sin wordo tuma na consideracion.

Ta Bo Responsabilidad

Den un democracia, vota ta un responsabilidad, no un opcion. E ta duna bo e oportunidad pa eherce influencia riba e direccion cu e pais ta bay. Door di vota, bo ta muestra cu bo ta involvi cu e futuro di Aruba, cu bo ta preocupa pa e asuntonan cu ta regarda nos tur. Door di no vota, bo ta entrega e poder ey y eigenlijk bo ta bisa cu otronan mag di dicidi pa bo kico ta pasa.

Futuro ta gana 'subasta' politico pa Geoffrey Wever

EL a dicidi di kita tur duda, di trece claridad riba un asunto cu e por a duna claridad masha dia caba pero el a haci uzo di e momento p'e medionan di comunicacion y e medionan social dun'e bon cobertura loke el a pensa lo ta bon pa su persona.

Geoffrey Wever diasabra merdia oficialmente a anuncia cu el a liga su mes n'e partido nobo Futuro di Gerlien Croes y e lo subi lista berde licht p'asina continua cu su carera politico cu a inicia na 2021.

Masha poco politico den historia di pais Aruba, a yega di cambia di partido den un periodo asina cortico, caminda pa eleccion di 2021, Geoffrey a uni su mes na partido RAIZ, ya cu el a mira y reconoce un vision politico nobo, pa cual e tabata dispuesto pa bandona su funcion na un oficina di abogado.

El a uni su mes cu e lider di RAIZ Ursell Arends y e compromiso aki a duna su fruta ora cu su persona hunto cu Ursell, a logra di sigura un asiento den Parlamento y despues tabatin e suerte di haya un restzettel dunando e partido dos representante den Parlamento.

Sinembargo ni Geoffrey y tampoco Ursell Arends a dicidi cu nan lo no representa RAIZ como miembro di Parlamento pero nan a prefera di asumi responsabilidad den goberna-

cion y nan a huramenta como Minister den Gabinete Wever-Croes II.

Ambos Minister pa algo mas cu tres aña, a goberna e pais segun e acuerdo di gobernacion, esta a base di e reglanan di integridad, insistiendo na tur momento cu integridad ta e exigencia number uno di nan vision.

Pa e motibo aki tambe, ta un echo cu Geoffrey Wever ta violando integridad di henter e proceso electoral, si su persona sigui insisti pa keda como Minister den gabinete Wever-Croes II demisionario, posicion cu el a haya como representante di partido RAIZ cu tabatin dos asiento den eleccion di 2021.

E no ta algo nechi, e no ta algo integro pa duna pueblo un ehempel incorreto pa Geoffrey sigui como Minister, siendo cu for di siman pasa e no ta forma parti di partido RAIZ mas y awo el a dicidi di uni su mes na un partido politico Futuro, cu ainda no a ni participa den un proceso electoral.

Pa varios dia largo a surgi rumor insistente cu Geoffrey lo por uni su mes na partido MEP, hasta a duna e impresion cu e siman aki e partido geel lo anuncia su afiliacion cu e partido, pero e negociacionnan cu a tuma luga, ya cu realmente negociacion a tuma luga entre partido MEP y Geoffrey, no a brinda Geoffrey e siguransa di lo kier cambia RAIZ pa MEP, cual sin duda tambe lo tabata un decision conflictivo.

E decision di Geoffrey awo ta muestra cu el a hinc su mes den mesun posicion cu el a conoce na 2021 ora cu el a dicidi di subi lista di RAIZ pa yuda Ursell Arends logra su prome asiento como lider di e partido blanco.

Awo ta parece cu e intencion ta igual, esta cu e ta mira mas perspectiva di bolbe haya representacion den Parlamento y hasta den un proximo gabinete door di uni su mes cu Gerlien Croes p'asina duna mas profundidad na e organizacion nobo aki.

E siman aki sinembargo, ta spera cu Geoffrey Wever lo haci lo corecto y entrega su retiro como minister di gabinete Wever-Croes II demisionario y asina actua segun e ereglanan di loke realmente integridad ta nifica.



laguna

25% off for locals

Indulge in a diverse selection of salads, pastas, and beloved steaks and chops ensuring a dining experience to cherish.

Open daily for dinner from 5.30 to 10.30pm

Live Music on Sunday, Monday and Tuesday

For reservations +297-526-6612

Hilton
ARUBA CARIBBEAN
RESORT & CASINO



**COME IN
WE'RE
OPEN**

CAYA HARMONIA 1. LOKAAL 2
NOORD (PATRAS CITGO SASAKI)



Presunto complot di CIA contra Maduro ta aumenta tension politico

UN complot reciente pa asesina presidente Venezolano Nicolás Maduro cu ta involvi un Navy SEAL, agente di CIA y un recompensa di 15 milyon dollar ta parce di ta saca for di un script di Hollywood. Sinembargo, e supuesto conspiracion aki ta enfatisa e relacionnan compleho y tenso entre Merca y Venezuela, cu ta pone un biaha mas preguntanan riba e motibonan di Maduro y kico e por gana cu e narrativa dramático aki. Na fin di aña pasa, un intercambio di prizonero entre Merca y Venezuela a duna speranza pa miho relacion entre e dos paisnan. Diez Mericano a wordo libera en cambio di un aliado cercano di Maduro, indicando un posibel reconciliacion den nan enfrentamento di hopi tempo. Sinembargo, casi un aña despues, e speranza ey a desaparece. E gobierno Venezolano a aresta cuatro ciudadano Mericano y varios stranhero, acusando nan di ta parti di un conspiracion lidera pa CIA pa derota Maduro, afirmacionnan cu tanto Merca como Spaña a nenga

firmermente. Autoridadnan Venezolano ta afirma cu e stranheronan captura, incluyendo dos Spaño y un ciudadano Checo, tabatin intencion di mata Maduro, atrai pa e recompensa di 15 milyon dollar di gobierno Mericano pa informacion cu por conduci na su detencion. Segun minister di Asuntonan Interior di Venezuela, Diosdado Cabello, e complot a involvi 400 arma di candela confisca fabrica na Merca y a wordo orkestra pa un SEAL di Marina Yama Wilbert Castañeda. E gobierno di Merca a confirma cu Castañeda ta un miembro activo di Marina, pero a nenga di tin participacion den un intento di golpe di estado, bisando cu e tabata den un biahe personal pa Venezuela.

Esaki no ta e prome biaha cu Maduro ta acusa Merca di a purba di asesin’e. Anteriormente el a afirma, sin evidencia, cu CIA y ex presidente Trump a orkestra un intento di asesinato na 2018 usando un drone carga cu explosivonan. E gobierno di Maduro tambe a acusa e ciudadano Mericano Matthew Heath di espionahe na 2020. E acusacionnan aki ta hunga cu un narrativa desgasta na Venezuela, unda CIA ta wordo mira como un villano conveniente cu un storia di intromision na Latino America.

Mientras cu algun den gobierno Venezolano ta kere cu por tin algo di berdad den e afirmacionnan, otronan ta muestra sceptico. Hopi ta mira e acusacionnan como un movecion politico di Maduro, diseñá pa distrae atencion di e agitacion politico di Venezuela. Cu e scrutinio internacional riba e reciente eleccionnan den disputa di Venezuela, Maduro por ta usando e arestonan como un palanca, cu e speranza di silenciar critica di Merca y negocia un reduccion di sancion. E meta final di Maduro no ta cla, specialmente pasobra actualmente no tin asociado cercano di dje deteni na Merca pa comercio. Sinembargo, ta probabel cu Maduro ta mira esaki como un oportunidad pa presiona Merca pa kita sancionnan economico, particularmente den e sector petrolero di Venezuela. Cu e economia di Venezuela den ruina, lanta e sancionnan aki por duna un alivio hopi necesario. Mientras Merca ta prepara pa su propio eleccion, e proximo administracion lo enfrenta decisionnan difícil riba con pa responde na e medidanan di Maduro. Sea cu detencionnan ta conduci na un rond nobo di negociacion of ta tensiona e relacionnan ainda mas, ta cla cu e situacion a bira un otro peon den e relacion largo y complica entre Merca y Venezuela.



MIHO CONECTA

Cu Postpaid Unlimited Share plans di 2, 3 of 4 liña

UNLIMITED SHARE 2

2 liña

AWG 130 pa persona

Beneficio

Data ilimita
Yamada ilimita
SMS ilimita
+500 minuut

UNLIMITED SHARE 3

3 liña

AWG 119 pa persona

Beneficio

Data ilimita
Yamada ilimita
SMS ilimita
+700 minuut

UNLIMITED SHARE 4

4 liña

AWG 110 pa persona

Beneficio

Data ilimita
Yamada ilimita
SMS ilimita
+900 minuut



Habitantenan di Florida ta enfrenta scarsedad di coriente y gasolin despues di horcan

RESIDENTENAN den henter Florida ta luchando cu e consecuencianan di Horcannan Helene y Milton, cu a asota e estado un tras di otro, lagando daño extenso den nan caminda. Mientras cu e residentenan di Florida ta cuminsa e proceso agotador di limpieza, hopi ta luchando sin coriente y gasolin, recursonan crucial necesario pa restaura un poco di normalidad. Carreteranan blokia y inundacion continuo ta obstaculizando esfuersonan pa restaura infraestructura, mientras cu servicionan di emergencia y proveedornan di combustibel ta trahando incansablemente pa yuda esnan mas afecta.

Te cu comienso di diadomingo, casi 30% di e pompnan di gasolin na Florida a keda sin combustibel, cu e region di Tampa-St. Petersburg siendo esun mas afecta, unda 77% di e pompnan tabata seco. Sarasota, Ft. Myers, y Orlando tambe a reporta scarsedad significativo di combustibel. Gobernador Ron DeSantis a anuncia cu escoltanan di combustibel ta wordo manda pa hiba gasolin rapidamente na e pompnan, y sitionan publico di combustibel a wordo estableci na varios localidad unda residentenan por ricibi gasolin gratis. Ademas, mas di 37 miyon galon di combustibel a wordo descarga na wafnan di Florida, pero ainda por tuma tempo pa e yega tur area.

Restauracion di coriente ta andando, pero mas di 1 miyon persona ta keda sin electricidad, un reduccion di casi 3 miyon na e momento culminante di e tormentanan.

Companionan di electricidad a trece ekiponan di henter e pais pa asisti, y ta spera cu e mayoria di residentenan lo tin nan coriente restaura pa mitad di siman. Na St. Petersburg, stacionnan temporal di carga y alivio a wordo estableci pa yuda residentenan carga nan aparatonan y busca necesidadnan manera awa y bateria, mientras cu e ciudad ta sigui lucha cu desperdicio extensivo y un aviso di herbe awa.

Presidente Joe Biden a aproba un declaracion di desaster mayor pa Florida, desblokiando fondonan federal pa vivienda temporal, reparacion di cas, y otro esfuersonan di recuperacion. Biden tambe ta programa pa bishita e estado y inspecciona e daño, cu plannan pa reuni cu personal di ayuda y residentenan den e areanan mas afecta. Autoridadnan federal y estatal ta sigui traha hunto pa coordina esfuersonan di alivio y limpieza mientras cu comuni-

dadnan ta evalua e escala di e destruccion.

Inundacion continuo di e tormentanan a stroba recuperacion den hopi region, particularmente den Condado di Hillsborough, cu a mira mas di 16 inch di awacero di Horcan Milton. Awa di inundacion ta keda halto den partinan di Tampa y estadonan rond, y ekiponan di emergencia ta trahando dia y anochi pa asisti cu rescate y maneho di inundacion.

Apesar di e desafionan aki, residentenan ta uniendo pa haya combustibel y provisionnan esencial. Filanan largo na pompnan di gasolin ta refleha e desesperacion cu hopi ta sinti, pero alivio ta yegando lentamente. Mientras cu e residentenan di Florida ta traha pa limpia y reconstrui, e proceso di recuperacion lo ta uno largo, cu resiliencia y apoyo comunitario liderando e caminda.



BUCUTI & TARA
BEACH RESORT - ARUBA



Elements
RESTAURANT

We Are HIRING

Join Our Award-Winning Team
#21 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ **HR COORDINATOR**
- ✓ **HOST/HOSTESS (AM/PM)**
- ✓ **BARTENDER**
- ✓ **COOK**
- ✓ **NIGHT AUDITOR**
- ✓ **ROOM ATTENDANT**
- ✓ **TURNDOWN ROOM ATTENDANT (2PM TO 10PM)**
- ✓ **HOUSEKEEPING SUPERVISOR**
- ✓ **SUSTAINABILITY MANAGER**
- ✓ **DIRECTOR OF OPERATIONS**

BENEFITS

ATTRACTIVE SALARIES WITH VARIOUS BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM
EMPLOYEE DISCOUNTS AT TARA ECO,
A MAJOR LOCAL SUPERMARKET AND GARAGE

APPLY ONLINE AT: WWW.BUCUTI.COM/CAREERS





Investigacion di DNA ta revela

Cristobal Colon probablemente tabata un hudiu sefardi di Spaña

DESPUES di añanan di debate tocante e origen di Cristobal Colon, investigadornan Spaño a conclui cu e famoso explorador muy probablemente tabata un Hudiu Sefardi di Spaña. Esaki ta e resultado di un investigacion largo, cu tabata destina pa resolve e misterio di siglonan rond di e luga di nacemento di Colon. Hudiunan Sefardi ta descendientenan di Hudiunan cu originalmente a bin di Spaña y Portugal. Den Hebreo, Spaña hopi biaha ta wordo yama 'Sefarad'.

E descubrimentonan a wordo anuncia durante un documental na television Spaño, precisamente riba e dia cu na Spaña nan ta celebra e dia nacional Día de La Hispanidad, of Dia di Colon. E revelacion aki tabata precedi pa hopi tension, pasobra hopi hende a spera cu e contesta definitivo riba e pregunta di e origen di Colon finalmente lo wordo duna.

E origen di Colon ta un topico di discusion pa hopi tempo caba. En total, 25 pais a wordo menciona como su posibel luga di nacemento, cu e teoria generalmente acepta cu e tabata bin di e ciudad Italiano di Genoa. Tambe tin discusion tocante su ultimo luga di sosiego: mientras cu mayoria historiado ta kere cu e ta dera den e Catedral di Sevilla, Republica Dominicana ta afirma cu su graf ta na Santo Domingo.

Investigacion di DNA ta confirma origen

Pa resolve e misterio, investigadornan a cuminsa na 2003 cu e investigacion di e wesonan cu a wordo coba na Sevilla. Aunke e cantidad di DNA cu a wordo saca for di e wesonan tabata limita, el a resulta suficiente pa mas investigacion.

Mas trempa e siman aki, científiconan a confirma cu e wesonan di berdad ta pertenece na Colon, aunke esaki no ta exclui cu posiblemente tin restonan na Santo Domingo tambe, mirando cu Republica Dominicana no a coopera cu e investigacion.

Ademas, e científiconan a investiga e DNA di e yiu homber di Colon, Ferdinand, y a studia e arbolnan genealogico di mas o menos cien persona cu e fam Colon. Segun experto forense Miguel Lorente, e investigacion aki finalmente a duna claridad riba e origen di e explorador.

Origen Hudiu y raiznan Spaño

E analisis di DNA a mostra cu tanto di banda di tata como di mama tin caracteristicanan presente cu ta indica un origen Hudiu. Lorente a declara cu e unico region di nacemento demostrable mester ta den West Europa. Un investigador Catalan a agrega na esaki cu Genoa ta improbabel como luga di nacemento di Colon, pasobra Hudiunan a wordo expulsa for di e ciudad ey den siglo 12. Sicilia tambe a wordo considera, pero e correspondencia di Colon no tabata contene patronchinan di idioma Siciliano.

E investigacion a conclui cu Spaña ta e luga di nacemento mas probabel di Colon, parcialmente pasobra Hudiunan e tempo ey a wordo forsa pa converti na Catolicismo. E descubrimentonan ta ofrece finalmente un posibel contesta conclusivo riba un pregunta cu a tene historiadonan ocupa pa siglonan.



Memey di tension creciente

Netanyahu ta Urgi 'U.N. Peacekeepers' pa evacua zuid di Lebanon

PROME Minister Israeli, Benjamin Netanyahu, a pidi Nacionnan Uni (UN) pa retira su forsa di mantencion di paz for di sur di Lebanon despues cu varios miembro di personal di NU a resulta herida pa atake Israeli den ultimo dianan. E heridonan, cu ta afecta por lo menos cuater miembro di personal di mantencion di paz di UN, a conduci na un condena internacional general.

Netanyahu ta afirma cu e forsanan di UN, parti di e mision di FPNUL, ta actuando como un "escudo humano" pa Hezbollah, e grupo militante cu cede na sur di Lebanon. El a adverti cu e forsanan di paz ta na riesgo ya cu e Forsanan di Defensa Di Israel (FDI) ta continua nan operacionnan militar contra Hezbollah, kende nan ta wordo acusa di planea atake contra Israel. A pesar di peticion di Israel, FPNUL a nenga di evacua, manteniendo su mandato pa evita cu gruponan arma opera den e area y proteha civilnan.

Esaki a sosode ora Israel a intensifica su campaña militar den Lebanon, lansando atakenan aereo nocturno contra obhetivonan di Hezbollah, destruyendo un mercado na

Nabatiyeh y un Mosque cerca di e frontera. IDF a informa cu "dozijnnan" di areanan di Hezbollah, incluyendo lansa-dornan di raket y deposito di municion, a ser ataca.

Na mes momento, Israel a publica documentonan clasifica cu, segun e ta afirma, a wordo recupera di Hamas, cu tabata muestra plannan pa e atakenan di 7 di october y supuestamente intentonan pa coordina cu Hezbollah y Iran. Segun e reportahe, e documentonan ta indica cu Hamas a busca apoyo di ambos grupo prome cu a lansa e atake, pero no a ricibi ayudo directo.

Entretanto, na Gaza, mas cu 200 persona a muri mientras e atakanan Israeli ta continua riba e di nuebe dia di un ofensiva grandi.

E parti nort di Gaza, particularmente e campamento di refugiadonan di Jabaliya y Kamal Adwan Hospital, ta keda afecta, cu trahadonan humanitario luchando pa trece yudansa na e area, loke ta genera preocupacion pa e scarcedad di cuminda y e condicionnan empeora di e civilnan atrapa den e combate.



DEPORTE

DEPORTE@AWEMAINTA.COM

Taekwondo Team Aruba a gana TK5 na Corsou

DEN fin di siman Taekwondo Team Aruba a participa den e TK5 na Corsou unda cu Aruba, Corsou y Surnam a participa cu atleta entre 9 pa 11 aña.

Aruba a habri e evento contra Surnam. E prome buelta di 5 minuut unda cu cada 5 atleta a bringa 1 minuut.

Surnam a cuminsa bon contra Aruba den e prome buelta y Surnam tabata ganando cu un score di 47 pa 35 contra Aruba.

Aruba a subi veld bek den e di dos buelta y e atletanan a cuminsa pone Surnam bou presion y e score a termina na 66 pa 73 na favor di Aruba.

Den e di 3 buelta Aruba a bolter e scoring board completo y Aruba a gana Surnam cu un score di 115 pa 75.

Den Final Aruba a topa cu Corsou y Aruba a bataya contra di Corsou pa gana. Aruba a gana cu un score di 48 pa 3 contra di Corsou y asina a logra gana e Copa di TK5 na Corsou.





CONCACAF Nations League

Aruba a cay venci na man di Haiti den wega competitivo

DEN un encuentro tenso den e Concacaf Nations League, Aruba no a logra un victoria contra Haiti, sufriendo un derrota di 3-1 dilanti un publico di 1,311 hende.

Tyron Perret-Gentil di Aruba a cuminsa cu un gol trempan, marcando den di 6 minuut. Sinembargo, Haiti a responde rapidamente, cu Frantzdy Pierrot a iguala e marcado den e di 31 minuut. Duckens Nazon a pone Haiti dilanti cu un gol di pinalti den 38 minuut, y a agrega un otro gol den 61 minuut, solidificando e bentaha di Haiti.

Aruba lo tin un oportunidad pa recupera mientras cu ta prepara pa enfrenta Haiti dialuna, 14 di october, pa 8:00 PM. E fanaticonan lo ta ansioso pa mira si Aruba por cambia e rumbo den e encuentro cu ta bin.



Debut exitoso di Pochettino cu Merca ganando Panama 2-0 cu gol di Musah y Pepi

MAURICIO Pochettino a haci un debut victorioso como entrenador principal di e Seleccin Nacional Masculino di Merca, guiando su ekipo na un victoria di 2-0 contra Panama na Austin, Texas. Yunus Musah y Ricardo Pepi a percura pa golnan den di dos tempo pa segura e victoria, emocionando e publico di casi 20,239 persona den Q2 Stadium.

Musah a habri e score den di 49 minuut cu su prome gol internacional den 42 aparicion. Asisti pa Christian Pulisic, kende a conecta cu Brenden Aaronson, Musah a tira e bala pasa e portero di Panama, Orlando Mosquera. Pulisic, cu ta den un forma excelente cu AC Milan, tabata hungando bao di su di ocho entrenador Mericano, estableciendo un record nobo pa un hungador Mericano.

Merca a agrega un di dos gol den tempo extra ora Ricardo Pepi, un nativo di Texas, a laga e bala pasa meymey di pia

di Mosquera. E gol, asisti pa Haji Wright y Malik Tillman, a marca e di cuater gol di Pepi den tres aparicion internacional na Austin.

Apesar di falta hungadonan clave manera Sergiño Dest, Tyler Adams, Gio Reyna, Tim Weah, y Folarin Balogun, Merca a controla gran parti di e wega, cu 55% posesion y actuacionnan solido di veteranonan manera Matt Turner y Tim Ream. Turner a haci un double save crucial den di 52 minuut pa preserva e bentaha.

Pochettino, contrata pa guia Merca durante e Copa Mundial di 2026, a expresa satisfaccion pero a adverti cu esaki tabata djis e prome paso den un biahe largo.

Merca ta enfrenta Mexico despues den un wega amistoso diaranzon na Guadalajara, mientras nan ta sigui construi pa futuro.



Billie Jean King ta reflexiona riba 50 año di e Women's Sports Foundation

BILLIE Jean King, leyenda di tennis y pionero pa deporte femenino, ta celebra 50 año di defensa e siman aki cu e aniversario di e Women's Sports Foundation (WSF). Funda pa King na 1974, e organisacion a converti un inversion modesto di \$5,000 den mas di \$100 miyon pa sostene programanan deportivo, investigacion y defensa di hende muhe y mucha muhenan.

Reflexionando riba e impacto di e fundacion, King, awor 80 año, a reconoce tanto e progreso como e retonan continuo pa hende muhenan den deporte. "Ora bo ta lesa historia, e ta bay hopi lihe. Pero ora bo ta bib'e, e ta hopi, hopi slow," el a bisa Reuters. King a enfatisa cu persistencia y pasion ta esencial pa logra cambio, subrayando e lucha lento pero constante pa igualdad di genero den deporte.

E carera di King ta yen di momentonan historico den e lucha pa pago igual. Su famoso victoria di 1973 "Battle of the Sexes" riba Bobby Riggs a yuda pone atencion riba deporte femenino, y su activismo a conduci na e U.S. Open convirtiendo den e prome torneo grandi pa ofrece premio igual pa hende homber y hende



muhe e mesun año ey. Recientemente, el a bira e prome atleta femenino pa ricibi e Medaya di Oro di Congreso como reconocimiento di su esfuersonan di decadanan largo.

Apesar di e avancenaki, King a mostra riba areanan cu ainda mester mehoracion, particularmente e representacion abou di entrenadornan femenino den deporte di nivel halto. "Hende muhenan y mucha muhenan ainda ta hopi atras. Nos tin hopi pa haci," el a bisa, enfatisando cu e trabou di WFSF ta leu di caba.

Na un gala na New York marcando e aniversario di e fundacion, e ekipo di futbol femenino di e Copa Mundial di 1999 di Merca lo wordo honra pa nan rol den cambia e panorama di deporte femenino. Nan defensa pa miho pago y condicionnan di trabou a establece e escenario pa batayanan futuro, incluyendo e demanda exitoso di e ekipo nacional femenino di Merca pa pago igual.

Julie Foudy, un miembro di e ekipo di futbol historico ey, a destaca e disponibilidad creciente di e atletanan di awendia pa defende husticia social, hunto cu nan logronan deportivo. "Na final di dia, e cos cu ta wordo considera mas importante ta husticia social y derechonan y libertad," Foudy a bisa, un sentimento cu ta alinea cu e mision di bida largo di King pa logra igualdad pa hende muhenan den deporte.

Slow Rock at Kawara Rock Radio
10-TO 12

PRESENTED BY RAVENWITCH

Every Wednesday get tuned in on:
<https://kawararockradio.radio12345.com/>

Tadej Pogacar ta derota competidornan y ta logra su di cuater victoria den Giro di Lombardia

TADEJ Pogacar a demostra su clase un biaha mas door di gana e Giro di Lombardia cu dominio absoluto. E Sloveno di 26 aña a cumpli cu su rol di favorito door di completa un impresionante 48 kilometer cu exito, cu un ventaha di mas di tres minuut riba Remco Evenepoel.

Pogacar a lansa su atake decisivo riba e Colma di Sormano, e subida unda e tabata tin un atake planea cu su compañeronan di ekipo. Aunke favoritonan manera Evenepoel y Enric Mas tabata sa cu e atake tabata na caminda, nan no por a haci nada mas cu laga Pogacar bay y acepta e lucha pa e otro puestonan riba e podium.

Inicialmente, e careda a desaroya diferente di loke a wordo spera, cu un grupo di 23 ciclista na cabez sin e grandinan favorito. Tres Hulandes, incluyendo Wilco Kelderman, Thymen Arensman y Martijn Tusveld, tabata den e grupo aki. UAE Team Emirates, e ekipo di Pogacar, a mantene e ventaha di e grupo di cabez bao control y a cuminsa e Colma di Sormano cu solamente un minuut di desventaha, unda e Sloveno a lansa su atake.

Asina cu Pogacar a acelera, e peloton a desintegra. Mas y Evenepoel no por a reacciona, y Evenepoel finalmente a logra e di dos luga despues di un bahada fuerte. Giulio Ciccone, cu a bin di atras, a termina na di tres luga.

Bauke Mollema no a logra drenta e top 10, pero el a iguala e record di diesseis participacion den e Giro di Lombardia, un honor cu e ta comparti cu Davide Rebellin y Domenico Pozzovivo.

Pa Pogacar, kende e temporada aki a gana entre otro e Giro d'Italia, Tour de France, y e campeonato mundial, esaki tabata su di cuater victoria consecutivo den e Giro di Lombardia.

Despues di e careda, el a elogia e trabou di su ekipo y a disfruta di su victoria, mientras cu e ta anticipando un periodo di descanso bon mereci despues di un temporada exitoso.

Cu victorianan den vueltanan grandi y clasiconan, y awor tambe e Ronde van Lombardije, e logro di Pogacar ta nada menos cu excepcional.





+297 730 1486

SABANA BLANCO 40
ORANJESTAD, ARUBA



Beauty Bar

P.M.U &
LASH ARTIST

By JEN

Specialised in

Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner

 Beauty Bar by Jen

 beautybar_byjen



Manifestacion y Universo Spiritual

Desblokia bo potencial

E Ley di Atraccion ta un concepto poderoso den circulo spiritual y di desaroyo personal, enfocando riba e idea cu nos pensamentonan ta forma nos realidad. E creencia aki ta sostene cu e universo ta responde na e energia cu nos ta proyecta door di nos pensamentonan y emocionnan. Pensamento positivo ta atrae resultadonan positivo, mientras cu negatividad ta atrae experiencianan negativo. Esencialmente, nos ta co-creadornan di nos propio bida, cu e habilidad pa manifesta nos deseonan door di enfoca riba nan cu intencion y claridad.

Con Manifestacion Ta Funciona den un Universo Spiritual
Manifestacion ta envolve alinea e pensamentonan, emocionnan, y accionnan di un persona cu e energia di universo pa logra e resultadonan desea. E universo, mira como un campo di energia, ta responde na e vibracionnan cu nos ta emiti. Door di enfoca riba un meta—sea ta un carrera nobo, relacionnan mehora, of crecimiento personal—nos ta manda energia positivo cu ta atrae oportunidadnan pa yuda nos logra e meta ey. Visualisacion y mantene un estado emocional positivo ta elementonan clave, ya cu nan ta mantene bo intencionnan cla y bo vibracionnan halto. Mientras cu resultadonan no ta aparece instantaneamente, e practica aki por atrae oportunidadnan den bo bida cu tempo.

Ehempelnan di Pensamento Positivo y Manifestacion
Hopi hende a usa e Ley di Atraccion exitosamente pa manifesta avancen den carrera of logronan personal. Por ehempel, un persona cu ta visualisa nan mes den un trabou

nobo por cuminsa nota oportunidadnan nobo of posibilidadnan di networking cu nan a 'pasa por alto' anteriormente. Esaki ta sosode pasobra nan mentalidad y enfoke ta alinea cu loke nan kier, permitiendo nan tuma accion ora oportunidadnan surgi.


Den termino di salud, algun individuo ta afirma cu usa afirmacionnan positivo y visualisa nan mes saludabel a yuda nan recupera mas lihe of mehora nan bienestar. E enfoke aki riba pensamiento positivo ta hiba nan na adopta habitonan mas saludabel, cu na su turno ta sostene nan proceso di curacion, permitiendo nan manifesta e resultadonan di salud desea.

E Rol di Mindfulness y Meditacion

Mindfulness y meditacion ta hermentnan esencial pa alinea cu e energia di universo. Meditacion ta yuda calma e mente y mantene enfoke riba bo metanan, mientras cu mindfulness ta trece consciencia na patronchinan di pensamiento negativo cu por stroba manifestacion. Door di practica ambos, individuonan ta keda den sintonia cu nan mes interno y mantene e energia positivo necesario pa manifestacion exitoso.

Conclusion: Co-Creando Bo Realidad

E Ley di Atraccion ta enfatisa cu nos tin e poder pa forma nos bida door di nos pensamentonan y accionnan. Door di mantene un mentalidad positivo, practica mindfulness, y tuma pasonan proactivo, nos por alinea cu e energia di universo y manifesta e bida cu nos ta desea.



RELACION

Confiansa despues di infidelidad: Reconstruccion ta posibel?

INFIDELIDAD ta un di e retonan mas devastador cu un relacion por enfrenta. Ora un pareha ta infiel, e dolor emocional por ta abrumador, y e traicion ta laga cicatriznan duradero. Confiansa, e fundeshi di cualkier relacion, ta wordo fractura. E pregunta cu hopi pareha ta lucha cune despues di un evento asina ta si ta posibel pa reconstrui e confiansa y salba e relacion. E contesta, aunke dificil, ta si, pero e ta rekeri pasenshi, comunicacion honesto, y un boluntad pa traha door di e consecuencianan emocional.

E shock inicial di descubri infidelidad por ta increiblemente traumatico. Pa e pareha cu a wordo traiciona, emocionnan manera rabia, tristesa, confusion, y dolor profundo ta comun. E pareha infiel, mientras tanto, por sinti culpabilidad, berguensa, of lamento. Ambos individuo ta keda luchando cu emocionnan dificil, y e relacion por sinti manera ta colgando na un hilo. Na e punto aki, ta esencial pa compronde cu cura di infidelidad no ta un proceso inmediato. Recuperacion ta tuma tempo, y ambos pareha mester ta dispuesto pa tuma e pasonan necesario pa repara e daño.

Un di e pasonan mas importante pa cura ta envolve den comunicacion habri y honesto. E pareha cu tabata infiel mester tuma responsabilidad pa nan accionnan, expresa remordimento genuino, y ta dispuesto pa contesta preguntanan dificil. Di otro banda, e pareha traiciona mester expresa su sentimentonan y comparti loke nan mester pa confiansa wordo restaura. Ta un balansa delicado, ya cu e combersacionnan aki hopi biaha por habri heridanan di nobo. Sin embargo, comunicacion ta vital pa aclara malentendimentonan, atende dudanan persistente, y cuminsa e biahe largo pa pordon y reconciliacion.

Busca ayuda profesional door di terapia ta un otro paso critico den e proceso di recuperacion. Sea door di conseho individual of di pareha, terapia ta proporciona un espacio neutral pa ambos pareha explora nan sentimentonan. Un terapeuta por guia e combersacion, ofreciendo hermentnan y tecnicanan pa reconstrui confiansa. Terapia ta yuda parehanan desaroya strategianan pa un comunicacion mas saludabel, atende e problemanan subyacente cu por a contribui na e infidelidad, y crea un caminda cla pa dilanti. Den algun caso, terapia por conduci na un relacion mas fuerte, ya cu e ta forsa ambos pareha pa confronta problemanan no resolvi cu por tabata fermentando pa añanan.


Reconstrui confiansa ta tuma tempo, pasenshi, y esfuerzo consistente di ambos banda. E pareha infiel mester ta transparente tocante nan accionnan y paradero, mustrandonan nan compromiso pa recupera confiansa. Esaki por implica ofrece siguransa,

ta habri tocante actividadnan diario, y evita e comportacionnan cu a conduci na e traicion na prome luga. Pa e pareha traiciona, siña confia di nobo ta un proceso gradual cu ta rekeri tempo y cura emocional. Ta importante pa corda cu confiansa lo no wordo restaura di un dia pa otro. Sin embargo, cu esfuerzo consistente, parehanan por reconstrui nan relacion y, den algun caso, sali mas fuerte cu antes.

Den conclusion, mientras cu infidelidad ta increiblemente doloroso, e no necesariamente ta significa e fin di un relacion. Parehanan cu ta dispuesto pa envolve den comunicacion honesto, busca ayuda profesional, y pone e trabou necesario por reconstrui confiansa y sigui dilanti. Pa algun, e proceso aki por conduci na un conexion mas profundo, mientras cu pa otronan, e por revela cu e relacion no por wordo salba. Finalmente, e decision pa reconstrui of separa ta un decision profundamente personal, pero curacion y crecimiento ta posibel pa esnan cu ta compromete na e biahe. Si abo of un hende cu bo conoce ta nabegando e caminda dificil despues di infidelidad, no duda pa busca ayuda y sosten di sernan keru of profesionalnan.

Luchanan den relacion, manera infidelidad, ta topiconan comun den nos segmento "Relacion". Curacion ta un proceso, y guia profesional por ta invaluable durante e biahe aki.





HOROSCOPO

Di Siman

DESPUES di bisa ayo n'e fin di siman, nos ta duna un bonbini n'e di tres siman di e luna di october 2024. Kico e astro tin warda pa tur e signonan di e zodiaco - Aries, Tauro, Geminis, Cancer, Leo, Virgo, Libra, Scorpio, Sagitario, Capricornio, Acuario y Piscis - segun e pronostico completo di e horoscopo?

Nos ta na caminda p'e Luna yen cu lo tuma luga dia 17 den e signo di Aries. Su energia ta impulsa nos pa tuma e control di nos bida cu curashi y persigui nos obhetivonan.

Riba e mesun dia ey, Venus ta drenta den Sagitario y lo trece hopi libertad den amor pa nos, cu relacion liber di compromiso, segun e prediccionnan di Esperanza Gracia.

Haya sa aki di e pronosticonan di e horoscopo durante e proximo 7 dianan den tur e signonan zodiacal, desde dialuna 14 di october te cu diadomingo 20 di october 2024.

Horoscopo semanal Aries

E Luna yen den bo signo, dia 17, ta bringa siguridad y ta un poderoso energia, perfecto p'e comiensonan nobo y pa ilusion nobo. Ta manera destino ta duna bo un oportunidad pa rectifica, si bo ta kere cu bo a kiboca y cuminsa cu algo nobo. E bon aspectonan di Venus ta brinda bo un momento fabuloso pa disfruta di amor y di e placernan di bida.

Horoscopo semanal Tauro

E Luna yen ta anima bo na reflexiona pa pone bo dia na ordo

y bay pa algo importante pa bo. Evita duda y indecision of lo bo perde bo oportunidad. Menos bo importa loke nan ta bisa, mas dicidido y insistente lo bo ta pa loke bo kier no scapa bo. Cu e Luna den bo signo, dia 18, ta e momento pa bo kibra tur laso material y afectivo cu ta agobia bo.

Horoscopo semanal Geminis

Bo ta custuma pa destaca pa bo inteligencia y creatividad, pero evita cay den un actitud narcisista y muestra comprensivo cu esunnan cu bo tin cerca, si bo kier tranquilidad den bo bida. E Luna yen aki por trece amistad nobo cu cual lo bo disfruta hopi. Bo emocionnan lo bay ta na bo alcance y lo bo biba momento intenso y hopi pleno.

Horoscopo semanal Cancer

E Luna yen aki no por ta mas positivo cu bo y lo ofrece bo dia hopi estimulante y yena di sorpresa maravioso. E cosnan lo bay ta hopi bon y lo bo biba un luna di miel cu bida, pero no aleha, cu awo t'e momento di conserva loke bo a gana. Bo intuicion lo resulta bo hopi util pa sa si algo ta cumbini bo of no. Confia den dje pa bo raca.

Horoscopo semanal Leo

Ningun hende lo bay por cu bo, nan lo bay purba y lo tin momento caminda bo kier bula mas, pero lo bo keda calmo y lo bo actua n'e momento oportuno y asina lo bo triunfa. E Luna yen aki, cu ta faborece trabao y biahe, por trece un proposicion hopi atractivo. Den amor, cuidao pa laga bo hiba pa sospecho infunda y saca conclusion erroneo.

Horoscopo semanal Virgo

Bo por sinti bo decepciona cu un hende cu bo tabata confia aden, pero no desanima y probecha e energia renobado di e luna pa lubida e traicionnan y sigui padilanti cu bo bida. Lo cumbini bo acepta e acontecimentonan sin resistencia.

Ua cu tur cos lo sosode pa bo mesun bon, aunke bo no gusta. Lo bay bin oportunidad pa bo gana placa; probecha di dje.

Horoscopo semanal Libra


E Luna yen di dia 17 dilanti bo signo lo transmiti un energia hopi armonioso cerca bo cu lo aleha di bo bida cualkier tension. Ta un bon momento pa reconciliacion y acuerdo. Solamente bo mester relaha y permiti cu e acontecimentonan sigui su curso natural. Pidi ayudo si bo mester pasobra lo bo bay tin hopi hende cerca dispuesto pa yuda bo.

MENSAHE DI DIA

14 OCTOBER 2024

Bo palabranan ta crea bo realidad.
Si bo no ta gusta bo realidad,
cambia bo palabranan.

*e Poder
den Mi*

Den colaboracion cu  Aruba Incense

Horoscopo semanal Scorpio

Suerte no lo laga bo man los e siman aki y e Luna yen lo bay trece hopi exito cu bo ta mereciendo. E cambionan ta faborece bo. Si bo tin e oportunidad di dal un buelta na bo bida, hacie pensando cu ta un bon opcion pasobra na final tur cos lo caba pa cuadra. Lo bo bay demostra di kico bo ta capas ora bo boluntad cuminsa marcha.

Horoscopo semanal Sagitario

E Luna yen aki lo faborece amor y e relacionnan en general. Fuera di esey, dia 17 Venus ta drenta den bo signo y bo poder di seducccion lo ta hopi intenso y no bo no lo laga ningun hende indiferente. Lo bo tin hopi ilusion y lo bo por biba experiencia nobo cu lo haci bo bida mas emocionante. Ta momento pa bo supera y pone bo gran energia na servicio di bo soñonan pasobra nan ta mas cerca di loke bo ta pensa.

Horoscopo semanal Capricornio


Nunca bo ta rindi, bo ta traha cu gana, aunke bo no ta mira e frutanan inmediato di bo labor, pero por fin loke tanto bo ta desea ta den yega y lo bo bay sinti cu lo bo recupera e control di bo bida. Habri pa loke ta nobo pasobra lo bin oportunidad di progreso y mehoracion den tur e ambitonan di bo bida. E Luna yen lo trece e solucion na un asunto familiar.

Horoscopo semanal Acuario

E Luna yen ta faborece e comunicacion y ta invita bo pa habri na otro y expresa loke bo ta sinti. Papia di loke ta preocupa bo ta e caminda pa bo haya solucion y sinti miho. Libera bo un poco di e hopi responsabilidadnan cu bo tin pa bo por disfruta mas di bida. Ta e momento di delega y pa laga di sinti imprescindibel. Dia 12 tabata bo dia magico.

Horoscopo semanal Piscis

Kisas bo mester enfrenta situacion cu bo no tabata sa con pa maneha, pero cu e Luna Creciente den bo signo, e dianan 13 y 14, bo intuicion lo bay ta hopi potencia y lo bay guia bo pa bo ta sigur. E preocupacion p'e temanan economico lo bay mustra hopi alivia cu e Luna yen aki, cu lo trece solucion y te hasta un placa inespera. Confia.







PASEO HERENCIA



COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

📞 **787-999-3292**

📷 @caribbeancinemasaruba

📘 Caribbean Cinemas Aruba

DOWNLOAD OUR APP







MIRRORS
BEAUTY ACADEMY

Mirrors Beauty Academy ta ofrece e siguiente servicionan

Laba	Tinja	Makeup	Y mucho mas!
Corta	Highlights / Mechitas	Threading	
Blowdry	Ombre / Californiana	Barberia	
Keratina	Bayalage	Manicure	
Cold Wax	Peinado	Pedicure	

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Pa sigui un carera den tecnologia

Tech Camp GRIT! di WOW Aruba a empodera mucha muhe hoben

WOMEN empOwering Women (WOW) Aruba a organisa cu exito su prome tech camp GRIT! caminda un grupo grandi a participa den e tech camp, cu e meta pa inspira y informa mucha muhe hoben tocante di e oportunidadnan cu por tin den un carera den e area di tecnologia.

Un di e presentadornan principal den e seminario tabata Sra. Wendy Koffy, Head of Business Operations na Aruba Bank, cu a duna un presentacion importante tocante di pago digital.

E presentacion di Sra. Koffy a enfatisa e importancia creciente di tecnologia y con mucha muhe por bira lider den e espacio innovativo aki.

Aruba Bank, como un patrocinado orguyoso di e prome tech camp GRIT!, a tene un rol fundamental pa haci e evento posibel, duna sosten na e mision di WOW Aruba pa promove igualdad di genero y inspira e proximo generacion di lidernan muhe den tecnologia.



Di un paisahe pa otro

Super interesante workshop di pintamento na Atelier's 89 Punto di Beyas Arte Aruba

AWE, dialuna, 14 di october pa 6:30 pm ta cuminsa na Ateliers '89 e workshop di pintura na Ateliers '89, cu ta musta di lo bira hopi interesante.

Pa duna e participante e posibilidad di mehora y engrandece na pintamento lo mira diferente tematica importante pa realisa un pintura.

Hopi bes ta constata fayo chikito innecesario den diferente tipo di tecnica di pintamento. Durante e cuatro simannan aki lo pone hopi antencion con pa mehora bo obra y kico ta e base y kico ta busca pafo di e paisahe actual.


No perde e momento unico aki pa participa na e workshop aki y comparti hunto cu e maestro y e participantenan pa yega na un exposicion final di alto nivel.

No semper ta facil pero challenge bo mes y bin y participa.

Ateliers '89 ta situa den Dominicanessenstraat 34 y ta habri

pa un y tur for di 12 aña pariba. Pa inscribi por manda un e-mail na elvis@ateliers89.org of yama na 5654613.

Tambe por bin di mes awe dialuna anochi na Ateliers '89 cu bo mes un materialnan di pinta mento y participa den un ambiente unico, profesional y agradabel.



APPAREL

BOAT ACCESSORIES

TOD-MAR

Facebook: TodomarAruba | Twitter: @TodomarAruba | Instagram: TodomarAruba | Phone: +297 585 0555

FISHING TACKLE

FIBERGLASS PRODUCTS

CORSOU

No drenta den panico


E crocodil ta un antiguo habitante di Boneiro

E reciente avistamento di un crocodil den e awanan poco profundo di Lac Baai, na Boneiro, a genera preocupacion entre e habitantenan. Sinembargo, e ecologo marino di Corsou, Adolphe Debrot a pidi pa calma, afirmando cu ta trata di un especie nativo cu, den otro tempo, tabata biba den e islanan di Caribe, incluyendo Boneiro y Corsou.

Debrot, conoci pa su estudionan riba fauna marino di e region, ta destaca cu e presencia di e crocodil mester mira esaki como un oportunidad pa reestablece e balans ecologico den e zona. Den e-mail dirigi na su coleganan, e cientifico ta subraya cu e reptil aki, mescos cu e manati (zeekoe) y e Caribische monniksrob (cacho di lama Caribeño), tabata comun den pasado, pero su poblacion a disminui drasticamente debi na jaagmento y intervencion humano.

E ecologo tambe a señala cu ya tabatin avistamento di un crocodil na Klein Curacao den e añanan 30l. Segun e registran, despues di un periodo di awasero intenso, un gran crocodil a wordo mira riba e isla chikito. Desafortunadamente, e animal a wordo mata p'e bewaker di e faro y hiba Corsou, caminda a com'e. Esaki tabata e unico avistamento documenta den e zona te cu e fecha.

Debrot ta sostene cu e crocodil Mericano no ta representa un peliger significativo, compara cu e especienan mas agresivo manera e crocodil di Nilo of e crocodil marino Australiano. El a recorda su experiencia na Florida, caminda el a convivi cu reptil grandi cerca di e Universidad di Miami. Segun e



experto, crocodil tabata parti di e ambiente, tabata biba cu hende sin genera panico y den hopi caso, tabata conoci pa number individual.

E ecologo Curasoleño ta indica e importancia di duna e bonbini n'e crocodil na Boneiro, no solamente p'e bienestar di e animal, sino tambe p'e papel cu por hunga den e balans ecologico. Den un di su investigacionnan na 2018, Debrot a muestra con e abundancia di turtuga marino den Lac Baai ta dañando e fondo di e sabana marino. E crocodil, como depredador, por controla e poblacion aki y yuda restaura e salud di e ecosistema.

Fuera di esey, su estudionan riba e coriente marino ta sugeri cu esaki por facilita e movimiento di e especienan carismático entre Venezuela y e islanan di Caribe, incluyendo Boneiro y Corsou, loke por splica e avistamento reciente. Aunke no ta conoci si e especie aki tabata parti continuo di e ecosistema di e islanan den tempo moderno, e registran historico y arkeologico ta muestra cu e crocodil y e manati tabata biba den e region prome cu e yegada di e colonisadonan Europeo.

E mensahe di Debrot ta cla: e miedo no mester dicta nos relacion cu e animalnan aki. Al contrario, nos mester considera su yegada como un oportunidad pa proteha y preserva e biodiversida unico di Boneiro y Corsou.



Corsou tambe ta adverti pa scarcedad grandi di vuurwerk durante cambio di aña

DESPUES di noticia cu Aruba e aña aki posiblemente lo confronta un scarcedad di vuurwerk, awor Corsou tambe ta bin cu un advertencia similar. Un di e importadornan di vuurwerk mas grandi riba e isla, Sabir Attaf, ta confirma na e corant Éxtra cu tin problemanan logistico serio cu ta causa cu Corsou e aña aki ta premira un scarcedad di vuurwerk.

Attaf, doño di Alivio, un compania cu ta specialisa den productonan di fiesta manera kerstboomnan, decoracionnan di Pasco y vuurwerk, ta splica cu e problemanan ta wordo causa principalmente door di retraso den e haf di Jamaica. “E aumento di drukte den e haf ey ta e causa principal,” e ta bisa. Barconan for di China, cu antes tabata mara na hafnan Venezolano, awor ta scogiendo masalmente pa Jamaica como un destinacion alternativo. Esaki a conduci na un aumento enorme den e trafico di container, locual a pone cu e haf a yega su capacidad maximo.

Problema logistico

E barconan cu ta transporta vuurwerk, door di esaki no por wordo descarga na tempo. Segun Attaf, e haf lo tin espacio pa e carga aki te november, locual ta mucho laat pa manda e containernan na tempo pa Corsou. “Si e containernan ta yega te januari, esey no tin sentido mas,” Attaf ta bisa. “Ningun hende ta bay cumpra vuurwerk ora aña a pasa caba, y hopi placa lo keda pega.”

Un otro problema ta e tardansa den otorgamento di e permisonan necesario door di gobierno. Attaf ta indica cu e permisonan aki ta wordo otorga mucho laat, locual ta causa cu e importadornan ya caba ta sufriendo retraso. Mirando e combinacion di factornan aki, e ta premira cu e aña aki lo tin poco vuurwerk disponibel na Corsou. E ta sospecha cu otro importadornan ta den un situacion similar y cu lo ta dificil pa importa vuurwerk for di destinacionnan alternativo.

Stock limita y prijs aumentando

Attaf ta premira cu e mercado local di vuurwerk e aña aki lo consisti principalmente di restantenan di e importacion di aña pasa. Esaki no solamente lo conta pa e vuurwerk di adorno tradicional, pero tambe pa vuurwerk di klap chikito manera rotjes, cu lo ta scars. Esaki por conduci na prijsnan mas halto pa consumidornan, ya cu e demanda probablemente lo surpasa e oferta limita.

Ningun problema pa kerstboom

Mientras cu vuurwerk ta parce di ta un problema grandi, Attaf no ta premira problema cu e importacion di kerst-



boomnan. Esakinan ta wordo manda for di Canada via un otro ruta y otro hafnan. Anteriormente tabata tin cierto preocupacion tocante posibel retrasonan door di un welga di e International Longshoremen's Association (ILA), cu ta responsabel pa e hafnan na e costa oost y golfo di Merca. Sinembargo, e welga, cu a cuminsa dia 1 di october, a wordo suspendi rapidamente despues cu tabata tin desaroyonan positivo den e negociacionnan tocante aumento di salario. Door di esaki e menasa di retrasonan pa e suministro di kerstboomnan a disminui.

E welga ta suspendi te por lo menos 15 di januari 2025, ora e negociacionnan lo wordo reanuda. P'esey Attaf ta spera cu e kerstboomnan e aña aki lo yega na tempo riba e isla, locual ta un alivio pa hopi famia cu kier decora nan cas pa e dianan di fiesta.

Dia di fiesta insigur p'e amantenan di vuurwerk

Mientras cu e importacion di kerstboom ta riba schedule, e importacion di vuurwerk ta keda un punto di preocupacion pa cambio di aña. Cu e retonan logistico actual y e fecha laat cu e permisonan a wordo otorga, ta improbabel cu e vuurwerk lo ta na tempo. Consumidornan na Corsou probablemente lo mester prepara nan mes pa un cambio di aña cu opcionnan limita di vuurwerk.

E situacion na Corsou ta refleha e problemanan mas amplio cu diferente isla Caribense ta confrontando e aña aki. Mescos cu Aruba, cu anteriormente a adverti pa scarcedad di vuurwerk, Corsou tambe mester adapta su plannan debi na retonan logistico mundial y regulacionnan local.

Protesta contra construcccion di beton rib'e beachnan di Corsou

TIN un preocupacion creciente tanto bou di e poblacion como den politica tocante e construcccionnan planea di beton riba e beachnan di Lagun y Jeremi. E resistencia ta dirigi contra e cambionan cu segun e plannan lo afecta e aspecto natural di e beachnan aki. E poblacion ta preocupa principalmente pa e consecucionnan pa medio ambiente, naturalesa y e cultura local.

Den cuadro di e protestanan aki a tuma luga atrobe un manifestacion, e biaha aki na Playa Jeremi. Anteriormente ya caba tabata tin un accion di protesta similar organisa na Playa Lagun. Durante e protesta na Jeremi decenas di manifestante a reuni pa expresa nan malcontento. Bou di esnan presente tambe tabata tin miembronan di Parlamento Giselle Mc William (MAN) y Steven Croes (PAR). Oradornan a enfatisa e necesidad pa mantene e naturalesa autentico di e beachnan y pa cualkier desaroyo tuma luga di un manera sostenibel. Tabata tin discusionnan emocional y acalora.

E protesta ta sigui despues di e anuncio di e plannan door di e ministerionan di Salud, Medio Ambiente y Naturalesa (GMN) y Trafico, Transporte y Planificacion Espacial (VVRP) dia 29 di september. Durante e ceremonia di 'groundbreaking' e plannan pa construcccion di structuranan di beton a wordo presenta. E construcccionnan aki lo wordo realisa riba of na rand di e beachnan di Lagun y Jeremi. Den algun dia despues di e anuncio, riba e beach di Lagun ya caba a wordo basha un vloer di beton y a entrega blokinan di construcccion, locual a conduci na un reaccion fuerte di parti di e poblacion.

Paralelo na e protestanan, a wordo lansa un peticion online door di Fundashon Pro Monumento (ProMo), un organisacion cu ta dedica na preservacion di e herencia cultural di Curaçao. E peticion aki a wordo firma casi 15.000 biaha caba. Segun presidente di ProMo, Dennis Klaus, no ta e caso cu no mag tin ningun desaroyo riba e beachnan, pero hende ta resisti e tamaño y e tipo di e plannan actual. Klaus ta afirma cu e beachnan di berdad por uza un miho manten-cion, pero cu esaki por wordo haci di un manera simpel y ecologico.

Klaus ta puntra su mes pakico no ta scoge pa facilidatnan basico, manera bañonan simpel, duchanan y luganan fiho pa barbecue, en bes di construcccionnan grandi di beton. Ademá, e ta muestra riba e problema di procesamiento di desperdicio riba e beachnan. Segun e, e falta di recohe-mento di sushi regular y bon facilidatnan pa desperdicio ta un problema mas grandi cu mester wordo atendi prome. Klaus tambe ta expresa su preocupacion tocante e manten-cion di e construcccionnan nobo: "Si e infraestructura actual no ta wordo bon manteni, con esey lo bay cu e construc-cionnan nobo aki?"

E activistanan ta spera cu nan protestanan lo para e plannan di construcccion y cu lo bin solucionnan alternativo y mas sostenibel riba mesa. Cu e eleccionnan yegando, nan ta spera cu politica lo presta mas atencion na e preocupa-cionnan di e poblacion tocante e desaroyonan planea riba e beachnan.



BONEIRO

Alumno di H4B di Liseo Boneriano a organisa exitoso carwash pa nan biahe di estudio

DIASABRA ultimo, e alumnonan di klas H4B di Liseo Boneriano a mostra kico nan tin aden, ora nan a organisa un carwash. Entre 7:00 pa 11:00 am nan tabata cla para pa laba auto y recauda cen pa nan proximo biahe di estudio pa Hulanda den luna di februari 2025.

N'e momentonan aki nan ta contando loke a drenta pa medio di e carwach y esaki lo contribui n'e gastonan pa pasashi y acomodacion. Durante e biahe di estudio aki, cu lo dura 10 dia, e alumnonan lo bishita diferente "hogeschool" y universidad pa cera conoci cu e sistema di enseñansa Hulandes y pa yuda nan na momento di haci un escogencia bon balansa pa nan estudio mas avansa.

Klas H4B no ta e unico grupo cu ta participa n'e biahe aki. En total cuater klas, consistiendo di tres klas di Havo 4 y un klas di VWO 5, lo biaha pa Hulanda. Banda di e carwash, den e tempo venidero tin mas actividad planea pa recauda fondo pa completa e suma necesario p'e biahe di estudio. Di antemano e alumno y e docentenan ta gradici tur hende cu a sostene nan cu e realisacion di e oportunidad special aki.



Ta vital pa Sociedad Civil pa representa e pueblo marginalisa di Boneiro

JAMES Finies y Davika Bissessar di Bonaire Human Rights ta reacciona riba e declaracionnan reciente di Arthur Sealy y Sr. Willem Cecilia den un talk show popular, sugeriendo cu ta solamente e gobierno di Boneiro ta posic9iona pa representa e interes di e pueblo di Boneiro.

Historia ta muestra cu movicion di ciudadano a confronta y reta structura di poder, lucha pa derecho humano, y a contribui na cambio significativo den sociedad, demostrando cu hende comun por colectivamente influencia progreso. Bonaire Human Rights Organization (BHRO) e ultimo decada ta brindando un plataforma p'e bosnan marginalisa di Boneiro.

E crisis presente cu e pueblo di Boneiro ta enfrentando, reduci di 80% na un grupo minoritario di a penas 32% den 2024, ta conduciendo na e eliminacion inmediato y rapido di nan identidad, cultura, idioma, norma y balor.

E gobierno actual, cu ta consisti di e mesun lidernan politico— Clark Abraham, Daisy Coffie, y Cyril Vrolijk— cu na 2017 a traiciona e Bonerianonan, door di ignora nan rechazo di e status actual, e voto - No, a permiti e gobierno Hulandes pa anexa y ancla nos den e Constitucion Hulandes y permanentemente impone derecho desigual.

E gobierno di Boneiro ta wordo forsa pa acepta y implementa ley cu ta traha na Den Haag y cu ta ilegalmente impone, violando ley internacional.

Arthur Sealy, politicamente comprometi, tabata e presidente di e comision di referendum na 2004, cu a lidera e campaña di referendum cu promesanan falso cu nunca a wordo realisa, malinformando e pueblo di Boneiro y a pone e base pa e tragedia di 10-10-10.

Adicionalmente, Willem Cecilia tambe politicamente comprometi, a hunga un rol significativo den e implementacion di 10-10-10 como griffier, supervisando e proceso legal cu a pone nos den e structura ilegal aki.

Nos kier recorda Sealy y Cecilia cu e deber primario di e gobierno ta: pa respeta, proteha, y cumpli cu e derecho di e pueblo.

No pa traiciona of viola nan derechonan fundamental. Nos



ta enfatisa cu e derecho inalienabel di autodeterminacion, estableci bao di ley y tratadonan internacional, ta pertenece n'e pueblo — no na e gobierno di Boneiro of di Hulanda.

E derecho aki a wordo claramente viola na momento cu na 2015, 66% di e poblacion a rechasa e estatus ilegal di anexacion, un escoho ratifica p'e parlamento di Boneiro como un decision democratico legitimo.

E falta di respet aki ta lanta pregunta serio tocante di representacion y e autonomia di e pueblo di Boneiro. Confiansa den e lidernan politico a disminui, resultando den un bahada di participacion di votado.

E consecuencianan di 10-10-10 ta mas cla awo: e representantenan di pueblo local ta subordina bao di aproximadamente ocho entidad controla pa Hulanda cu ta dicidi.

E participacion di e votadonan a baha di mas di 80% prome cu 10-10-10 na aproximadamente 50% den e ultimo eleccionan, esaki incluyendo e Hulandes-Europeonan cu ta yenando Boneiro cu ta haya derecho di vota despues di tres luna aki.

E bahada aki ta subraya e necesidad di BHRO y sociedad civil pa lucha pa e derechonan y interes di e pueblo.

Nos ta urgi tur stakeholder pa reconoce e importancia di representacion inclusivo y pa sostene e esfuersonan di BHRO y sociedad civil den nan lucha pa husticia, igualdad, y representacion husto y legitimo pa e pueblo di Boneiro.

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :

- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-7456724

Turning **Ideas** into Breakthrough **Solutions**

RECETA DI DIA



PIZZA BOWL

Pizza Bowl ta un alternativa delicioso y dibertido n'e pizza tradicional, ideal pa esunnan cu ta busca pa disfruta di tur e sabornan di un pizza pero cu menos carbs.

E plato aki ta combina lo miho di e ingredientenan clasico di pizza den un comchi gratina, loke ta hacie perfecto pa un cena rapido of hasta pa un opcion creativo durante un reunion.

Ingrediente:

- 1 cup di saus di tomati (preferiblemente pa pizza)
- 1 cup di keshi mozzarella raspa
- ½ cup di keshi parmesano raspa
- 100 gram di peperino of ham (na gusto)
- ½ cup di mushroom fresco na slice
- ½ promenton berde of cora, na slice fini
- ½ siboyo cora na slice
- ¼ cup di oleifi preto na slice
- Oregano y basil (na gusto)
- Salo y pepper (na gusto)

Instruccion:



1. Prekeinta e forno na 180°C (350°F).
2. Den un container pa forno, poe e capanan di saus di tomati den bom.
3. Agrega un capa generoso di keshi mozzarella y un poco di keshi parmesano.
4. Pone e slicenan di peperoni of ham, sigui p'e slicenan di mushroom, promenton, siboyo y oleifi.
5. Sasona cu oregano, basil, salo y pepper na gusto.
6. Añadi otro capa di keshi mozzarella pa e keda bon gratina.
7. Horna durante 10-15 minuut of te ora e keshi ta completamente diti y ta bubble.
8. Sac'e for di forno y lag'e reposa algun minuut prome cu sirbi.

Disfruta di e dushi version aki di pizza sin mansa.

Fortaleza pa Famia

Pastoor Marcel Balootje

Tur cos lo sali na cla pasobra e binida di Cristo Hesus ta cerca

DEN Lucas 21:32-33 Hesus ta bisa: “Di berdad Mi ta bisa boso, e generacion aki lo no pasa, prome cu tur cos tuma luga. Sjelo y tera lo pasa, ma Mi palabranan lo no pasa.”

Pasobra no tin nada scondi, cu lo no wordo revela, ni nada secreto, cu lo no bira conoci y sali na cla. (Lucas 8:17).

No tin nada tapa cu lo no wordo revela, y nada scondi cu hende lo no haña sa, Pesey tur loke boso a papia den scuridad, lo wordo tendi den claridad, y loke boso a papia keto, keto den e cambernan mas paden lo wordo proclama for di dak. (Lucas 12:2-3).

Ta rond mundo tin cosnan ta sosode cu ta demostra cu e binida di nos Señor Cristo Hesus, y esaki si ningun hende por sconde pe pasobra e palabra di Dios ta bisa:

Ami ta un Dios cu ta serca Señor ta declara, y no un Dios cu ta leu tambe?

Un hende por sconde den lugarnan secreto, asina cu mi no por mire? Señor ta declara.

No ta Ami ta yena cielo y tera? Señor ta declara. (Jeremias 23:23-24)

No tin ningun caminda na mundo cu hende por sconde pa Dios, pasobra ta Dios a crea tur cos y Dios su tempo di husticia ta yegando, pesey ta para scirbi den Romanonan 2:5 : Pa motibo di bo capricho y bo curason cu no kier arepentí, bo ta montona furia di Dios pa bo mes den e e dia di furia y revelacion di e huicio husto di Dios. Kende lo paga cada ken segun su obranan.

Dia pa dia e desasternan natural ta birando mas fuerte, e calor riba mundo ta aumenta, y no tin ningun poder riba mundo cu por para e calor riba e mundo aki, solamente e misericordia di Dios. Tur esunnan cu ta kere den poder di placa a cuminsa ripara cu placa no por haci nada contra locual Dios a bisa.

No tin presupuesto, pa cubri locual ta na caminda pa e mundo aki, pasobra prome cu hende kier drecha locual naturalesa a destrui, ya caba tin otro fenomeno natural na caminda, y Dios a spierta nos, cu tur locual nos ta mira ta sosode prepara pa e binida di e yiu di Dios.

Pasobra E ta bin busca tur esunnan cu ta kere den dj'E.

Pasobra Dios mes a papia y a bisa cu e a manda su unico

Yiu pa ken cu kere den dj'E no bay perdi ma tin bida eterna, esun cu kere lo ta salba, ma esun cu no kere lo ta condena caba, pasobra e no a kere den e Yiu unigenito di Dios.

No tin ningun criatura scondi pa Su bista, ma tur cos ta habri y bisto dilanti di wowo di esun cu nos tin di haber cu ne. (Hebreonan 4:13).

E wowonan di Señor ta tur caminda vigilando malo y bon. (Proverbionan 15:3)

Pasobra wowo di Señor ta move bay bin door di henter tera, pa e por sostene fuertemente esimnan cu nan curason ta completamente di dj'E. (2 Cronicanan 16:9).

Pasobra Su wowonan ta riba e caminda di hende, y E ta mira tur su pasonan. No tin scuridad, ni sombra di morto, caminda e hacidonan di inhusticia por sconde. (Job 34:21-22).

Pasobra pago di pica ta morto, ma e don di gracia di Dios, ta bida eterno den Cristo Hesus nos Señor. (Romanonan 6:23).

Ta tempo pa arepentimento drenta den tur hogar y Famia, y tur hende acepta Cristo Hesus como Señor y Salvador.



Santo di Dia

Papa y martir cu a defende e misericordia y pordon


Awe ta dia di San Calixto I

DIA 14 di october Iglesia ta celebra memoria di San Calixto I, papa y martir. El a nace mediado di siglo II na Roma, den seno di un famia di esclavo. Calixto tabatin un bida dificil desde hopi hoben. E tabata esclavo na servicio di un famia cristian influyente y a pesar di su situacion, el a gana e confianza di su amonan, kendenan a encomend'e n'e administracion di un suma di placa destina pa yuda otro cristian. Sinembargo pa circunstancia desafortuna,, el a perde e fondonan loke a hib'e pa wordo persigui pa su debedornan y finalmente encarcela.

Despues di su liberacion, el a demostra su lealtad n'e fe cristian y su deseo pa sirbi iglesia.

El a wordo nombra diacono pa Papa Ceferino, kende a mira den dje un gran potencial di liderazgo. Un di su prome responsabilidnan tabata e administracion di e catacumbanan na Roma, cu ae ta conoci como e "Catacumbanan di San Calixto," un luga di entierro y culto cristian di gran importancia historico y religioso.

Na aña 217, despues di morto di Papa Ceferino, Calixto a



wordo eligi como su sucesor. Durante su pontificado, el a promove reconciliacion dentro di iglesia, adoptando un postura mas compasivo y misericordioso encuanto e tratamento di e pecadornan arepentí. Hasta esunnan cu a renega n'e fe durante e persecucionnan por a wordo readmiti si nan tabata demostra arepentimento berdadero.

E actitud aki, aunke elogia pa hopi, tambe a atrae opositor, manera e teologo Hipolito, kende tabata considera cu Calixto tabata demasiado indulgente.

San Calixto tabata un lider cu curashi cu no tabatin miedo di enfrenta e critica ni e dificultadnan di su tempo. El a muri como martir na aña 222, benta den un pos na Roma durante un rebelion.

Awendia San Calixto ta patrono di e cobadonan di graf y di esunnan cu ta administra santana. Su fiesta ta recorda nos e poder di misericordia, pordon y reconciliacion den e bida cristian.



Nobena na honor di Beato José Gregorio Hernández

FUNDACION Venerable José Gregorio Hernández lo celebra su nobena na honor di Beato José Gregorio Hernández, p'asina nos prepara nos mes pa su fiesta di diasabra 26 di october, cu ta dia di su natalicio.

Nos fundacion a prepara un nobena biblico y cada dia ta bay tin un reflexion diferente cu e intencion di dia.


E skema di e nobena ta manera ta sigui:

E prome dia ta dedica na Mundo henter; Di dos dia ta dedica na nos Mayornan; Di tres dia ta dedica na nos Mucha- y Hobennan; Di cuatro dia tin Rosario Bibo dedica na Matrimonio; Di cinco dia ta dedica na Iglesia, Papa y Clero; Di seis dia ta dedica na esunnan den necesidad; Di siete dia ta dedica na tur Dokter y Esnan cu ta traha den Salubridad; Di ocho dia ta dedica na nos Gobernantenan y Di nuebe dia ta dedica na tur Enfermo y Adulto Mayor.


Pa e di nuebe y ultimo dia di e nobena, nos ta pidi tur hende bin cu nan bela pa ofrece na nos dushi Mama Maria.


Durante tur e dianan di e nobena, ta bay tin macuto na entrada di Sitio pa pueblo por haci donacion di comestibel pa esunnan cu tin mester.

Pueblo di Aruba en general ta cordialmente invita pa bin participa na e nobena cu ta cuminsa diahuebs, 17 di october pa 7:00 pm y lo sigui asina tur e nuebe dianan na Sitio di Oracion, situa na Tanki Leendert 128.



E fiesta mes cu Santo Sacrificio di Misa di Sanacion ta diasabra, 26 di october pa 10:00 am.





A algunas persona las amamos toda la vida....

A otras aún después....

Con dolor en nuestro corazon, anunciamos el fallecimiento de:

Sra. Cecilia I. Pillado - Leone
***21-10-1946 - †10-10-2024**

En nombre de su:
Esposo: Giorgio Leone

Hijos: Diego Jorge Leone; Marianina Leone; Luna & Kiara

Yernos:
Noella Bianchi; Roger Peterson

Nietos:
Delfina Leone; Francisco Diego Leone; Agustina Leone; Julieta Leone

†Gauchita, †Captain Morgan, Jerry, Negrita, Smokey, Moro, Milo, Monita, Fenix

Demas familia y amigos

Les invitamos para el acto di condolencia/despedida que tomara lugar el lunes 14 de octubre 2024 en Aurora Funeral Home de 7 a 9 de la noche. Acto de cremacion tomara lugar despues. Despues de la cremacion no recibiran visitas de condolencia en casa.



GRADICIMENTO y INVITACION
Yiunan, nietanan, rumannan di nos ser stima

Sra. Viuda Maria Giel Tromp
ta gradici tur esunnan cu a compañía nos durante despedida, a yama nos of a manda condolencia via e medionan social.
Un danki grandi na esunnan cu a yuda wak pa nos mama: Marina, Dora y Andrea. Boso a duna nos e tranquilidad cu nos mama tabata den bon man.
Danki na dr. Smit cu semper tabata pendiente y cla pa yuda. Na dokter di cas, dr. Weenk cu tur dia a duna atencion y tabata nos steun te na final.

Nos gratitud na Rev. Pastoor Santiago cu a haci e ceremonia bunita y Igmair Maduro pa su bunita canto y musica.
Tambe na Aurora Funeral Home pa nan bon servicio.

Nos ta invita boso pa compañía nos pa 3 Santo Sacrificio di misa pa descanso di alma di nos ser stima:
Diamars 15 na Kapel di Alto Vista pa 5.30 pm
Diabierna 18 na misa Santa Anna pa 6.30 pm
Diamars 22 na Kapel di Alto Vista pa 5.30 pm
Danki di curason pa boso atencion den nos dlanan dificil



“Señor ta mi wardador, mi’n tin falta di nada.

Den cunucu di yerba berde e ta pone mi sosega.

E ta hiba mi na awa trankil,
pa mi bolbe haya forsa”.
Salmo: 23

Cu profunfo tristesa na nos curazon nos ta anuncia fayecimento di:

Sergio T. Maduro
Mihor conoci como: ”Papa Theo/ Superman”
***23-01-1969 †08-10-2024**

Na number di su:

Casa:
Carmen Maduro Bonalde

Mama:
Fransisca Maduro

Tata:
Mario Maduro

Yiunan:
Milenne Maduro; Serge Maduro & Gritsanne Maduro; Shandrea Maduro; Emeli Bonalde; María Bonalde; Robert Bonalde

Manera yiu:
Errol Salazar

Mama di su yiunan:
Sheila Tromp

Rumannan:
Marion & Famia; Sharole & Famia; Romulo & Famia; † Robertino;
Angelo & Famia; Donald & Famia; Arnold & Famia; Anouschka & Famia

Nieto/nietanan;
Serganne, Sergion, Sheilane, Shadday, Matthew, Thiago, Paula, Kethleen & Kiara

Amigo nan di cas:
Johnny, Balentino, Gabriel, Toni & Albert (Flaco)

Sobrino, sobrina, prima, primo, tanta, omo y amigo di beach

Nos Disculpa si den nos tristesa nos por a lubida cualkier famia of conoci.

Acto di despedida lo tuma lugar na Aurora Funeral Home dialuna 14 di october 2024 di 2or pa 4or di atardi. Cremacion lo tuma lugar den seno familiar.

Nos ta lamenta cu despues di entierro nos no ta ricibi bishita di condolencia na cas.



Lagrima y flor por seca, su recuerdonan y tur loke el a haci y significa pa nos, lo keda graba pa semper den nos mente y curason.

“Cerca Dios mi alma ta na paz, ta di DJ’E mi salvacion ta bin”
Salmo 62:1

Cu dolor na nos curason, nos ta participa fayecimento di nos ser stima:

Juan R. Tromp
Cariñosamente yama “Tata, Robby of Juancho”
***27-12-1946 - †01-10-2024**

Na number di su:
Mayor: †Victoriana “Viola” Tromp

Casa: Glenda Tromp-Franken

Yiunan:
Anuar Tromp & Esmeralda Loopstok; Melissa Tromp & Nelson Gomes

Nieto- & nietanan:
Melienny Kock & Rowald Tromp; Christiaan Boekhoudt & Daniela Rodriguez; Melitza Kock & Christopher Jeanlouis; Suziënne Tromp & Gregorio Chung; Suquiënne Tromp, Melison Tromp & Melisjon Gomes; Sujenne Croes & Greg Omar Bernabela & yiunan; Nelisha Gomes, Zairon Gomes & Mackenzie Williams

Bisanietonan: Melvin & Marvin

Rumannan:
†Theresita Tromp; †Jacintho & Andresita “Shita” Tromp-Maduro; Joaquin Tromp y famia; Vicky Tromp

Sobrinanan:
Samara Tromp y yiunan; Samantha Tromp; Kim Maduro & famia

Sua y cuñanan:
Maiky Franken & Flora & famia; Coby Franken & †Diana & famia; Rudolf “Dufi” Franken & Maria; †Felipe “Fechi” Franken; Edwin “Tienchi” Franken; Carlos & Myrtha Franken-Vrolijk & famia; Rosa & Robert Sint Jago-Franken & famia; †Florencio Franken & famia; †Francisco “Paco” & Doris Franken-Peralta & famia

Omonan:
†Efrain & Lou & famia; †Augustin Maduro & famia

Iha: Nanette Croeze & famia

Amigo di cas: Emiterio “Buchi” & Elsa Croes & famia

Primo- y primanan, comper- y comernan, bisañanan, ex-coleganan di trabow: Watco, Safecom, Arubabank, compañeronan di Dialyse.

Demas famia: Tromp, Franken, Gomes, Loopstok, Boekhoudt, Kock, Rodriguez, Jeanlouis, Chung, Croes, Bernabela, Croeze, Williams, Maduro, Ras, Peralta, Sint Jago, Vrolijk, Kwidama, Werleman, Wever, Geerman.

Ta invita pa acto di condolencia y entierro cual lo tuma lugar na Misa Inmaculada Concepcion na Sta Cruz, diamars 15 di october 2024 di 1:30 pa 4’or di atardi.

Nos disculpa pero despues di entierro nos no por ricibi bishita di condolencia na cas.

Perdona nos si den nos tristesa nos por a lubida alguna famia of conoci.



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com